


პროლეტარიატის

F 2746/2 N 14760

ბრძოლა



ქვეყნის კავშირის ორგანო რ. ს.-დ. მ. პ.

№ 12.

15 (28) ოქტომბერი 1905 წ.

№ 12/34

კომუნის მფხველობა.

შავი ღრუბლები გროვდება ჩვენს თავზე. ბებერი თვითმპყრობელობა სულს იღვამს და ცეცხლითა და მახვილით გვეგებება. მწვანდება რეაქცია. ტყუილთ მთვითმპყრობელობა უნდა გაამაგროს: „რეფორმები“ მხოლოდ სამკაულია იმ ტყვიებისა და მათრახების, რომლებსაც ასე უხვად აპნევს პარსისხლიანი მთავრობა. დიან, რეაქცია მ'ვადება...

დრო იყო, როცა მეფის მთავრობა შინაურ სისხლის ღვრას ერიდებოდა. მაშინ ის „გარეშე მტერს“ ემგობოდა და მისთვის საჭირო იყო „შინაური მშვიდობიანობა“. ამიტომ იყო, რომ სადავებები მოუშვა და შორიდან უყურებდა მოძრაობას...

მაგრამ წავიდა ის დრო. რევოლუციისგან შეწყუბულმა მეფის მთავრობამ „გარეშე მტერთან“ ზავი შეკრა, რომ წელი მოემაგრებინა და უფრო ძირიანად გამკლავებოდა „შინაურ მტერს“. და აი დაიწყო რეაქცია. ჯერ კიდევ „მოსკოვის უწყებებში“ გვაუწყა მან თავისი „პლანები“. მთავრობა... „ორნაირ ომს ეწეოდა“—გვაუბნებდა ეს რეაქციონერი გაზეთი—„გარეშეს და შინაურს. და თუ ვერც ერთში ვერ გამოიჩინა საკმაო ენერგია, ეს იმიტომ, რომ... ერთი ომი მეორე ომს ხელს უშლიდა... თუ ეხლა... ომი შეწყდება“... მთავრობას „ხელ-ფეხი გაეხსნება“ და შეძლება მიეცემა, რომ „ულაპარაკოთ გაანადგუროს შინაური მტერი“... ზავის ჩამოგდების მერე „მთავრობამ შინაურ ცხოვრებას უნდა მიექციოს მთელი თავისი ყურადღება და, ყველაზე პირველად, არეულობა უნდა ჩააქროს“ (იხ. „მოსკ. უწყ.“ 31 ივლისის №). შემდეგ, ზავის მერე, იგივე „პლანი“ გაიმეორა მთავრობამ თავისი მინისტრის პირით: „უკიდურეს პარტიებს სისხლში ჩავახრჩობთ“. ნამეტნიკებისა და გენერალ-გუბერნატორების მეოხებით-კი უკვე „საქმეს“ შეუდგა: მან მთელი რუსეთი სამხედრო ბანაკით გადააქცია, მოძრაობის ცენტრებისა და დათვითა და კახაყებით აავსო და ომში უზმარი ტყვიის მტყორცნელები რევოლუციის წინააღმდეგ მოიმარჯვა—იტყვიან—ხელ-მეორეთ უნდა დაიპყროს უზარ-მაზარი რუსეთი. ლაპარაკი არ უნდა, რომ თვითმპყრობელობა ომს უცხადებს რევოლუციას. ცხადია აგრეთვე ის, რომ ყველაზე პირველად, პროლეტარიატს ამოიღებს ნიშანში, რამგორც რევოლუციის სულის ჩამდგმელს,—ასე უნდა გავიგოთ მისი მუქარა: „უკიდურეს პარტიებს სისხლში ჩა-

ვახრჩობთ“. რ. თქმა უნდა, არც გლეხ-კაცობისთვის დაიშურებს მათრახსა და ტყვიებს, თუ ეს „თავის ქერქი“ არ დაეტევს, მარა ჯერ მოტყუებითა ცდილობს მათს ჩაჩუქებას: „მიწის გამოყიდვას“ პირდება და სათათბიროში იწვევს, ვითომდა, „განსათავისუფლებლად“. რაც შეეხება სუფთა პუბლიკას, მათ, რა თქმა უნდა, ასე უდიერად არ მოეკიდება და ყოველ ღონეს იხმარს კავშირი შეკრას იმათთან,—ამისთვის არსებობს ეგრეთ წოდებული სათათბირო. ეჭვი არ არის, რომ თეთრხელა ლიბერალები უარს არ ეტყვიან მეფის მორიგებაზე. ჯერ კიდევ ნ. ავგისტოს გამოაცხადეს მათ თავიანთი მესაიღუმლეს პილით, რომ შინაური მეფის რეფორმებს შესტრფიან... „ყოველი ღონე უნდა ვიხმაროთ, რომ რუსეთი... საფრანგეთის რევოლუციონერულ გზას ასცდეს“ (იხ. „რუს. უწყ.“ ნ. ავგისტ. №. ვინოგრადოვი). ლაპარაკი არ უნდა, რომ მელა-კუდა ლიბერალები რევოლუციის უფრო უღალატებენ, ვიდრე ნიკოლოზ მეორეს. ეს საკმაოდ დაამტკიცა მათმა უკანასკნელმა სიგზმამ...

ერთი სიტყვით, მეფის მთავრობა ყოველ ღონეს იხმარებს, რომ ძირს დასცეს ხალხის რევოლუცია.

ტყვიები პროლეტარიატს, ტყუილი დაპირება გლეხ-კაცობას და „უფლება“ სხილ ბურჟუაზიას—აი რა ზომებით იარაღდება რეაქცია.

სიკვდილი, ან რევოლუციის დამხობა—ასეთია დღეს თვითმპყრობელობის ლოზუნგი.

მეორე მხრივ, არც რევოლუციისა სძინავს და დაუდგრომლათ აკეთებს თავის დიად საქმეებს. ომისგან გაძლიერებულმა კრიზისმა და გახშირებულმა პოლიტიკურმა გაფიცვებმა ერთიანად ააფორიაქა რუსეთის პროლეტარიატი და პირისპირ დაუყენა მეფის თვითმპყრობელობას; სამხედრო წესებმა არა თუ ვერ შეაშინა პროლეტარიატი,—პირიქით, ცეცხლზე წავით დაასხა და უფრო ვაამწვავა ურთიერთობა; ვისაც ამენია უთვალავი პროლეტარების ძახილი: ძირს მეფის მთავრობა, ძირს მეფის სათათბირო! ვინც გულ-დასმით ჩაქვირებია პროლეტარიატის გულის-ცემას, მისთვის ექვს გარეშე უნდა იყოს, რომ რევოლუციის ბელადის რევოლუციონერი სული წაღლა და შალა აიწვეს. რაც შეეხება გლეხ-კაცობას, ჯერ კიდევ მობილიზაციამ ააშოთა ის დღევანდელი წესების წინააღმდეგ, იმ მობილიზაციამ, რომელმაც კერა დაუნგრია და საუკეთესო ოჯახი შეიღებო ბელიდან გამოაცალა; თუ სახეში მივიღებთ, რომ ამას სიმშლიო-ბაც დაემატა, რომელმაც მან გუბერნია მოიცვა,—მაშინ ძნელი გასაგები არაა, თუ რა გზა უნდა დაადგეს მრ-

ვალტანჯული გლეხ-კაცობა. დრტინავს სალდათობაც და ეს დრტინვა დღითი-დღე საშიშარ ხასიათს იღებს თვითმპყრობელობისთვის: საქმე იმაშია, რომ თვითმპყრობელობის ბურჯი — კაზაკები თანდათან მძულვარებას იწვევენ სალდათებში; ამას წინათ ახალ ალექსანდრიაში სამასი კაზაკი დახოცეს სალდათებმა *); ამისთანა ფაქტები-კი თანდათან მატულობს...

ერთი სიტყვით, ცხოვრებაში მზადდება ახალი რევოლუციონური ტალღა, რომელიც, თანდათან იზრდება და რეაქციის წინააღმდეგ მიექანება: მოსკოვისა და პეტერბურგის უკანასკნელი ამბები ამ ტალღის წინამორბედია.

როგორ უნდა შევხედოთ ამ გარემოებას, რა უნდა ვაკეთოთ ჩვენ, სოციალდემოკრატებმა — აი რაშია კითხვა.

„მეუპოვებს“ მარტოვს რომ ჰკითხოთ, დღესვე უნდა ავარჩიოთ დამფუძნებელი კრება, რომ საუკუნოთ გამოეთხაროს ძირი მეფის თვითმპყრობელობასო. მისი აზრით, სათათბიროში არჩევნებთან ერთად არალეგალური არჩევნებიც უნდა ხდებოდეს; უნდა შედგეს საარჩევნო კომიტეტები, რომლებიც „ხალხს მოუწოდებენ, რომ საერთო ხმის უფლებით აირჩიონ თავიანთი წარმომადგენლები; ეს წარმომადგენლები შესაფერ დროს ერთ ქალაქში შეიკრიბებიან და თავიანთ თავს დამფუძნებელ კრებათ გამოაცხადებენ“... ასე უნდა მოხდეს „თვითმპყრობელობის დანგრევა“ **). ესე იგი, მიუხედავად იმისა, რომ თვითმპყრობელობა ცოცხალია, ჩვენ მაინც შეგვიძლიან მთელ რუსეთში საერთო არჩევნები მოვახდინოთ! მიუხედავად იმისა, რომ თვითმპყრობელობა მძვინვარებს, ხალხის „არალეგალური“ წარმომადგენლები მაინც შესძლებენ დამფუძნებელ კრებათ გადიქცენ და დემოკრატიული რესპუბლიკა დააწესონ! აღარც შეიარაღება ყოფილა საჭირო, აღარც აჯანყება და აღარც დროებითი მთავრობა, — დემოკრატიული რესპუბლიკა თავის-თავით მოვა, საჭიროა მხოლოდ „არალეგალურმა“ წარმომადგენლებმა დამფუძნებელი კრება დაირქვანო! გულ-კეთილ მარტოვს დავიწყებია, რომ ეს საზღაპრო „დამფუძნებელი კრება“ ერთ მშვენიერ დღეს პეტრე-პავლეს ციხეში ამოყოფს თავს! ჟენეველ მარტოვს ვერ გაუგია, რომ რუსეთის პრაქტიკებს არა სცალიანთ ბურჟუაზიული ჩხირკედელაობისთვის!

არა, ჩვენ სხვა რამე გვინდა ვაკეთოთ.

შავი რეაქცია თავს უყრის ბნელ ძალებს და თავ-გამოდებით ცდილობს მათს შეკავშირებას, — ჩვენი ვალია თავი მოუყაროთ სოციალდემოკრატიულ ძალებს და მკიდრით გადავაჯაკვოთ ერთმანეთზე.

შავი რეაქცია სათათბიროს იწვევს, მას უნდა ახალი მოკავშირეები იშოვოს და კონტრ-რევოლუციის ჯარი გაამრავლოს, — ჩვენი ვალია აქტიური ბოიკოტი დავარტყათ სათათბიროს, დავანახოთ ქვეყანას მისი კონტრ-რევოლუციონური სახე და რევოლუციის მომხრენი გავამრავლოთ.

შავი რეაქცია სასიკვდილო იერიშით მოდის რევოლუციაზე, მას უნდა ჩვენი რაზმები არივ-დარიოს და სამარე გაუთხაროს ხალხის რევოლუციას, — ჩვენი ვალია რაზმებათ დავწყუთ, ერთდროული იერიში მივიტანოთ მეფის თვითმპყრობელობაზე და ძირიანათ მოვსპოთ მისი სახსენებელი.

მარტოვის ხუხუროა იი არა, — საერთო აჯანყება, აი რა

*) იხილეთ „პროლეტარი“ № 17.

**) იხ. „პროლეტარი“ № 15. სადაც გადმოხტედილია მარტოვის „პლანია“.

გვინდა ჩვენ: ხალხის სსნა ხალხისავე ძლევა-მოსილ აჯანყებაში.

სიკვდილი, ან რევოლუციის გამარჯვება — აი როგორი უნდა იყოს დღეს ჩვენი რევოლუციონური ლოზუნგი.

ბურჟუაზია მახსნ აზვას.

სექტემბრის შუა რიცხვებში მოხდა „ეროზისა და ქალაქის მოღვაწეთა“ სიეზდი. ამ სიეზზე დაარსდა ახალი „პარტია“ ცენტრალური კომიტეტით სათავეში და ადგილობრივი ორგანოები სხვა-და-სხვა ქალაქებში. სიეზმა მიიღო „პროგრამა“, დაანასიათა თავისი „ტაქტიკა“ და შეიმუშავა ცალკე მოწოდება, რომლისაც უნდა მიმართოს ხალხს ამ ახლათ გამოჩეკილმა „პარტიამ“. ერთი სიტყვით, „ეროზისა და ქალაქის მოღვაწეებმა“ დაარსეს თავისი საკუთარი „პარტია“.

ვინ არიან ეს „მოღვაწენი“, რა ჰქვიათ მათ?

— ბურჟუა-ლიბერალები.

ვინ არიან ბურჟუა-ლიბერალები?

— შეძლებული ბურჟუაზიის შეგნებული წარმომადგენლები.

შეძლებული ბურჟუაზია ჩვენი შეუირვებელი მტერია, მისი სიმდიდრე ჩვენს სიღარიბეზეა აშენებული, მისი სიხარული — ჩვენს მწუხარებაზე; ცხადია, მისი შეგნებული წარმომადგენლებიც ჩვენი მოსისხლე მტრები იქნებიან, რომლებიც შეგნებულათ შეეცდებიან ჩვენს დამარცხებას.

მაშ ასე. შედგა „პარტია“ ხალხის მტრებისა, რომელმაც ცალკე მოწოდებით უნდა მიმართოს ხალხს.

რა სურთ ამ ვაჟბატონებს, რას იცავენ ისინი თავიანთ მოწოდებაში?

ისინი არ არიან სოციალისტები, მათ სძულთ სოციალისტური მოძრაობა. ეს იმასანიშნავს, რომ ისინი ამაგრებენ ბურჟუაზიულ წესებს და სამკვდრო-სასიცოცხლოთ ებრძვიან პროლეტარიატს. ამიტომ არის, რომ დიდ თანაგრძნობას იწვევენ ბურჟუაზიულ წრეებში.

ისინი არ არიან არც დემოკრატები, მათ სძულთ დემოკრატიული რესპუბლიკა. ეს კი იმასანიშნავს, რომ ისინი ამაგრებენ მეფის ტახტს და თავგამოდებით ებრძვიან ტანჯულ გლეხკაცობასაც. ამიტომ იყო რომ ნიკოლოზ მეორემ „შესაძლებლათა სცნო“ მათი კრებები და ნება დართო „პარტიული“ სიეზდი მოეხდინათ.

მათ უნდა მხოლოდ რამოდენიმე შეამცირონ მეფის უფლებები, ისიც იმ პირობით, რომ ეს უფლებები ბურჟუაზიას ჩაუვარდეს ხელში; მეფობა კი, მათი აზრით, აუცილებლათ უნდა დარჩეს, როგორც შეძლებული ბურჟუაზიის საიმედო ბურჯი, რომელსაც ის პროლეტარიატის წინააღმდეგ მოიხმარებს. ამიტომ ამოვენ ისინი თავიანთ „კონსტიტუციის პროექტში“, რომ „რომანოვების ტახტი ხელუხლებელი უნდა დარჩესო“, ე. ი. კუდმოგლეჯილი კონსტიტუცია გვინდა.

ბ. ბურჟუა-ლიბერალებს „საწინააღმდეგო არა აქვთ რა“, თუ ხალხსაც ექნება არჩევნების უფლება, მაგრამ იმ პირობით კი, რომ ხალხის პალატას თავზე აჯდეს მდიდრების პალატა, რომელიც აუცილებლათ ეცდება გააბათილოს ხალხის პალატის გადაჭრილობა. ამიტომ ამბობენ ისინი თავიანთ მოწოდებაში, რომ „ჩვენთვის ორი პალატაა საჭიროვო“.

ბარონ ბურჟუა-ლიბერალებს „ძალიან გაეხარდება“

თუ სიტყვის, ბეჭდვის და კავშირების თავისუფლება იქნება, — საქმე იმაშია, რომ გაფიცვის თავისუფლება შეზღუდული იყოს. ამიტომ არის, რომ ასე ბევრს ლაპარაკობენ ისინი „ადამიანისა და მოქალაქის უფლებებზე“; გაფიცვის თავისუფლებაზე კი გარკვეულს არას ამბობენ, გარდა იმისა, რომ ფარისევლურათ იღვწებიან რაღაც „მანომიურ რეფორმებზე“.

არც გლეხობას აცლებენ თავიანთ წყალობას ეს აზიარებული ვაჟბატონები. — მათ „საწინააღმდეგო არა აქვთ რა“, თუ გლეხების ხელში გადავა მემამულეთა მიწები, მაგრამ იმ პირობით კი, რომ ეს მიწები გამოიყიდა მემამულეებისგან, არა თუ „მუქთათ ჩაიგდონ“. აი, რა გულკეთილები ყოფილან ეს უკუღმართი „მოღვაწენი“!

თუ დასცალდებათ და ყველა ეს სურვილები შეუსრულდებათ, ამას ის შედეგი მოჰყვება, რომ მეფის უფლებები ბურჟუაზიის ხელში დარჩალებს და მეფის თვითმპყრობელობა თანდათან ბურჟუაზიის თვითმპყრობელობაში შეიცვლება. აი, საიდან გვწვდებიან „ეროზისა და ქალაქის მოღვაწენი“. ამიტომ არის, რომ ქალაქი კი უფრო ხალხს რევოლუციისა და ასე ბევრს ლაპარაკობენ „რუსეთის დამშვიდებაზე“.

ამის შემდეგ საკვირველი არაა, თუ დიდი იმედებით შეხედნენ ეს უღირსი „მოღვაწენი“ ეგრეთ წოდებულ სახელმწიფო სათათბიროს. როგორც იცით, მეფის სათათბირო — ხალხის რევოლუციის უარყოფაა, ეს კი ძალიან ხელსაყრელია ჩვენი ბურჟუალიბერალებისთვის; როგორც იცით, მეფის სათათბირო „ცოტა რამ“ საბრძოლველად მოიყვანა. — „საბრძოლველად“, ეს კი ასე საჭიროა ჩვენი ბურჟუალიბერალებისთვის. ამიტომ არის, რომ მთელი თავიანთი „პროგრამა“, მთელი თავიანთი მოქმედება სათათბიროს არსებობაზეა აშენეს, — დაიშლეს სათათბირო, და აუცილებლათ უნდა დაიშალოს მთელი მათი „პლანები“. ამიტომ უფროსიან ისინი სათათბიროს ბოჟოტს, ამიტომ გვირჩევენ ისინი სათათბიროში შესვლას: დიდი შეცდომა იქნება, თუ მონაწილეობას არ მივიღებთ მეფის სათათბიროშიო! — გვეუბნებიან ისინი თავიანთი ბელადი იაკუშკინის პირით; ოღონდაც, რომ „დიდი შეცდომა“ იქნება, მარა ვისთვის: ხალხისთვის, თუ მისი ბრძოლისთვის, აი რაშია კითხვა.

რაში შეცდება მეფის სათათბიროს მოვალეობა, რას ამბობენ ამას „ეროზისა და ქალაქის მოღვაწენი“? ... „სათათბიროს პირველი და უმთავრესი მიზანი თითონ სათათბიროს გაუქმობაზეა“, გვეუბნებიან ისინი თავიანთ მოწოდებაში... „ამომრჩეველებმა თავიანთ ამორჩეულებს ისეთი კანდიდატების არჩევა უნდა დაავალონ, რომლებიც ყველაზე პირველათ სათათბიროს გაუქმობას მოახდენენ“, გვეუბნებიან იქვე. მერე რაში შესდგება ეს „გაუქმობა“? იმაში, რომ „გადაპყრობი ხმა ჰქონდეს სათათბიროს კანონებისა... და სახელმწიფოს შესავალ-გასავლის შემუშავებაში... და უფლება ჰქონდეს სათათბიროს კანტროლი გაუწიოს მინისტრების მოქმედებას“. ესე იგი, ამომრჩეველებმა ყველაზე პირველათ ის უნდა მოიხმონ, რომ სათათბიროს უფლებები გაუარდოდესო. აი რა ყოფილა „სათათბიროს გაუქმობა“. ვინ მოხვდება სათათბიროში? მეტწილათ სხილი ბურჟუაზია. (ახალი, სათათბიროს უფლებათა გაფართოება — ეს სხილი ბურჟუაზიის პოლიტიკურათ გაღონიერებაა. და აი, „ეროზისა და ქალაქის მოღვაწენი“ ურჩევენ ხალხს ბურჟუალიბერალები აირჩიონ და ყველაზე

პირველათ სხილი ბურჟუაზიის გაღონიერება და ქალაქი მათ! თურმე ნუ იტყვი, ყველაზე პირველათ და ყველაზე ძალიან იმაზე უნდა ვიზრუნოთ, რომ ჩვენი მტერი ჩვენივე ხელით გავაძლიეროთ — აი რას გვირჩევენ დღეს ბ. ბურჟუალიბერალები. ძალიან „მეგობრული“ რჩევაა, თუ თქვენც იტყვი! მერე, ხალხის უფლებები, ამას ვილა იზრუნავს? ო, რა თქმა უნდა, ბ. ბურჟუალიბერალები ხალხს არ დაივიწყებენ, მათ რომ ჰკითხოთ ისინი ხალხის უფლებებსაც მოითხოვენ, როცა სათათბიროში შევლენ როცა იქ ფეხს მოიმაგრებენ; ამ ფარისევლობით უნდათ ფონს გავიდნენ „ეროზისა და ქალაქის მოყვანებს“... აი, თურმე რატომ გვირჩევენ ისინი, რომ ყველაზე პირველათ სათათბიროს უფლებები გავაფართოვოთ...

ბეჭდელმა სთქვა: რასაც მტერი გვირჩევს, ის ჩვენთვის საზარალოაო. მტერი გვირჩევს: სათათბიროში მონაწილეობა მიიღეთო, — ცხადია, ჩვენთვის საზარალო ყოფილა სათათბიროში შესვლა; მტერი გვირჩევს: სათათბიროს უფლებები გააფართოვეთო, — ცხადია, ჩვენთვის საზარალო ყოფილა სათათბიროს გაძლიერება. სახელი ვაგუტებოთ სათათბიროს და თავი მოვკრათ მას ხალხის თვალში — აი, რა უნდა ვაკეთოთ ჩვენ. სათათბიროს უფლებათა გაფართოება კი არა, — ხალხის უფლებათა გაფართოება — აი რა გვინდა ჩვენ. და თუ ამავე დროს იგივე მტერი ტკბილათ გველაპარაკება და რაღაც „უფლებებსა“ გვირჩევს, — ეს იმას ნიშნავს, რომ ის მანებს გვიგებს და ჩვენივე ხელით უნდა აიშენოს ციხე-სიმაგრე. დიახ, ეს ასეა და უკეთეს რამეს არც უნდა ველოდეთ ბურჟუალიბერალებისგან.

მაგრამ რას იტყვი თქვენ იმ ზოგიერთა „სოციალ-დემოკრატებზე“, რომლებიც ბურჟუალიბერალების ტაქტიკას გვიქადაგებენ? რას იტყვი თქვენ კავკასიის „უმცირესობაზე“, რომელიც სავსებით გვიმეორებს ჩვენი ტერმინების მუხანათურ რჩევას? აი, მაგალითათ, კავკასიის „უმცირესობა“ გვეუბნება, რომ „საჭიროთ ვცნობთ მონაწილეობის მიღებას სახელმწიფო სათათბიროშიო“ (იხ. „მეორე კონფერენცია“. 7 გვ.); სწორეთ ისე, როგორც ამას „საჭიროთ სცნობენ“ ბ. ბურჟუალიბერალები. იგივე „უმცირესობა“ გვირჩევს: „თუ ბურჟუაზიის კომისიამ... დიპუტატთა არჩევის უფლება მარტო შეძლებულთ მისცა, საჭიროა ამ არჩევენებაში ჩავერიოთ, რევოლუციონური ძაოდატანები: ამრჩეველნი დაიძულათ მოწინავე კანდიდატები აირჩიონ და საერო კრებაში დამფუძნებელი კრება მოითხოვონ. ბოლოს ყოველნაირი ზომებით... თვით საერო კრება დაიძულათ დამფუძნებელი კრება მოიწვიოს, ან თავი თავი გამოაცხადოს დამფუძნებელ კრებათ...“ (იხ. „სოციალდემოკრატია“ № 1). ესე იგი, თუნდაც რომ მარტო შეძლებულთა ჰქონდეთ არჩევის უფლება, თუნდაც რომ მარტო შეძლებულთა მოიყარონ თავი სათათბიროში, ჩვენ მაინც უნდა მოითხოვოთ, რომ ამ შეძლებულთა კრებას დამფუძნებელი კრების უფლებები მიეცესო! თუნდაც რომ ხალხის უფლებები შევიწროვდეს, ჩვენ მაინც უნდა ვცადოთ რომ სათათბიროს უფლებები რაც შეიძლება ძალიან გაფართოვდესო! (თქმა არ უნდა, რომ „მოწინავე კანდიდატების“ არჩევა ცარიელ სიტყვებათა და დარჩება, თუ არჩევენის უფლება მარტო შეძლებულთ მიეცება). როგორც ზემოთა ვნახეთ, ბურჟუალიბერალებიც ამას გვიქადაგებენ: ყველაზე პირველათ სათათბიროს უფლებები

უნდა გავაფართოვოთ.

ორში ერთი: ან ბურჟუა-ლიბერალები „გაუმცირესებულან“, ან კავკასიის „უმცირესობა“ გალიბერალებული. ასე თუ ისე, ექვს ვარშეა, რომ ახლათ გამოჩეკილი ბურჟუა-ლიბერალების „პარტია“ ხერხიანათ აგებს თავის დაძვლებულ მახეს...

ამ მახის დაგლეჯა და მისი შარაზე გამოტანა, სასტიკი ბრძოლა ამ ხალხის მტრებთან — იმ რა გვინდა ჩვენ.

მთავრობა ემზადება *).

დიდ ფაციფუტშია მთავრობა... სანამ ზოგიერთა გზა-აბნეულები გამოირკვევენ, თუ რა არის შეიარაღებული აჯანყება, მთავრობა ბრძოლისთვის ემზადება და თვალსაჩინოთ გვიჩვენებს, თუ რა მნიშვნელობა აქვს ჩვენთვის აჯანყების მოწყობას. ჩვენ ხელთა გვაქვს ორი საიდუმლო ინსტრუქცია სამხედრო მთავრობისა, სადაც დაწვრილებით ირკვევა პლანი აჯანყების მოგერებისა. ერთ ინსტრუქციას ხელსაწერს ეკატერინოსლავის გარნიზონის უფროსი, ხოლო მეორეს ამტკიცებს ვარშავის სამხედრო ოლქის მთავარ-სარდალი. ორივე ხელში ჩავივარდა და გვინდა მკითხველებს გავაცნოთ.

ყველა ქალაქს ერთნაირი მდებარეობა არა აქვს; გარდა ამისა, სხვა-და-სხვა ქალაქები სხვა-და-სხვა უბნებთ იყოფა, მაგალითათ, ვარშავი შვიდ უბნათაა გაყოფილი, ეკატერინოსლავი — ხუთათ; მთავრობის პლანიც ამისდა მიხედვითაა შემუშავებული. სალდათები სხვა-და-სხვა უბნებშია განაწილებული და ყველაზე მეტი ჯარი მუშათა უბნებში უნდა იდგეს. ეს გარემოება ეკატერინოსლავის ინსტრუქციიდან უფრო ნათლათ სჩანს, რადგანაც ამ ქალაქში ძალიან დიდ როლსა თამაშობს ზავოდის ხალხი. ამ ინსტრუქციით ბრიანსკის ზავოდთან იგზავნება ორი როტა სალდათი, რომელმაც ხელი უნდა შეუშალოს მუშებს, რომ შუა ქალაქში ვერ შევიდნენ. მეორე უბანში სამი როტა სალდათი იგზავნება იმ მიზნით, რომ „არ შემოაშვან ქალაქში ზავოდებიდან და ჩეხლოვკიდან მომავალი მემობხენი“. მესამე უბანშიც სამი როტა სალდათი იგზავნება ისევე იმ მიზნით, რომ „ბრიანსკის ზავოდისა და სოფელ ამურიდან მომავალი მუშები რკინის გზის ხიდზე არ გამოატარონ და ქალაქში არ შემოაშვან“. მეოთხე უბანი იმდენათ საშიში არაა და მხოლოდ ორი როტა იგზავნება, რომელიც „საქიროების დროს მოეხმარება პირველ და მეორე უბანში დაბანაკებულ ჯარს“. დაბოლოს, მეხუთე უბანში იგზავნება მხოლოდ ერთი როტა, რომელმაც „ვადაპროვოდს“, სახელმწიფო ბანკს და „ხაზინას“ უნდა უყარაულოს. გარდა ამისა, ცხენოსანი ჯარიც იქნება გაგზავნილი, რომ მუშათა უბნები შემოიარონ და ხალხს თავის მოყრა დაუშალონ ქუჩებში. ასე აპირობს მთავრობა თავის დაცვის მოწყობას. მას უნდა თავთავიანთ უბნებში ჩაკეტოს მუშები, რომ ერთმანეთთან შეერთება ვერ შესძლონ და შუა ქალაქში ვერ შევიდნენ, სადაც ჩვეულებრივით იმყოფება მთავრობის ყველა დაწესებულებანი. მთავრობამ კარგათ იცის, რომ ცალკე უბნის აჯანყება შეუძლებელია და იმ, ის ცდილობს როგორმე დააქუცმაცოს პროლეტარიატის ძალები და მით სათავეში ჩაკლას ნამდვილი აჯანყება.

*) „პროლეტარი“ № 4.

მთავრობის მეორე მიზანი იმაში მდგომარეობს, რომ კარგა დაიცვას ის საზოგადოებრივი და სახელმწიფო დაწესებულებანი, რომლების ხელში ჩაგდებაც აჯანყებულთა ძალას გააორკეცებს. ეკატერინოსლავის ინსტრუქცია დაწვრილებით ცნობებს იძლევა ამ დაწესებულებათა რაოდენობაზე; იგივე ინსტრუქცია აღნიშნავს სალდათების რიცხვს, რომლებმაც ეს დაწესებულებანი უნდა დაიცვას. 1) „ვადაპროვოდის“ დასაცავათ ათი კაცი, 2) სახელმწიფო ბანკისთვის და „ხაზინისთვის“ ათ-ათი კაცი, 3) ტელეგრაფის კანტარისთვის ათი კაცი, 4) ელექტრონის სტანციისთვის ოცი კაცი აფიცრით 5) სახაზინო ღვინის საწყობისთვის ათი კაცი, 6) იარაღის საწყობისთვის, რომელიც სამხედრო უფროსის სამმართველოსთან იმყოფება, ოცი კაცი. ვარშავის ინსტრუქცია უფრო დაწვრილებით ცნობებს იძლევა სალდათების პოსტებზე (77 პოსტია), რომლებსაც მეტნაწილათ ნახევარ როტები იცავს და ზოგან მთელი როტებიც. გარდა ამისა, ცალკე უბნების უფროსებს ევალებათ „კარგა დამოუკიდებლად და გაიცნონ თავთავიანთი უბნები და ყურადღება მიაქციონ მნიშვნელოვან პუნქტებს“, რომლებსაც შეადგენენ ღვინის ღუქნები და თოფებისა და სასროლის იარაღის კერძო მაღაზიები.

ინსტრუქციის შემდეგი მუხლები დაგვანახვენს, თუ რა დიდ მნიშვნელობას აძლევს მთავრობა ხალხის აჯანყებას და როგორ სერიოზულათ ემზადება ის ამისთვის. მთავრობა არ სჯერდება იმ ორ საშუალებას, რომლებსაც ზევით ვლაპარაკობდით, ის შესაძლებლათაა სცნობს იმისთანა რევოლუციონურ აფეთქებას, რომლისთვისაც მთელი ძალების ფეხზე დაეყენება დასკირდება. ამისთანა შემთხვევისთვის მას ცალკე ინსტრუქცია აქვს, სადაც დაწვრილებითაა ნაჩვენები, თუ ვინ საით უნდა გაიგზავნოს. კაზარმებში თითო როტაზე მხოლოდ თითო კაცი ჩდება და მორიგეები „ახალი სალდათებიდან“. მწერლები, ლაზარეთის მოსამსახურენი, ხელოსნები, მუშაკანტები და სხვები იარაღს ისხამენ; დანარჩენი იარაღი ცეიხგაუზში ინახება, რომელსაც ყარაულები იცვენ. ამ გვარათ წინდახედულ მთავრობას შესაძლებელია მიანიცა ცალკე რაიონებში აჯანყება, იქიდან ჯარის გამოდგენა და კაზარმაზე თავდასხმა.

მთავრობა არ ხუმრობს. ჯარებს, რომლებიც ხალხის წინააღმდეგ გაილაშქრებს, ორ-ორი პაჩა პატრონა ეძლევა თითო სალდათზე. ვარშავის ინსტრუქცია ისეთ შემთხვევაზედაც კი გვიჩვენებს, როცა საჭირო იქნება ზარბაზნების გამოტანა, და რჩევას იძლევა, რომ თან არ გამოატანონ ყუმბარების ყუთები — მარტო ათი ყუმბარა იქნება საჭირო თითო ზარბაზანზე. თუ სროლა საჭირო შეიქნა, ჯარებს სასტიკათ ეკრძალება ცარიელი პატრონების სროლა, ან ჰაერში დაცლა. თუ ხალხი მტრულათ ექცევა ჯარს, თუ ის თოფებსა სკლის, ქვებს ან ჯოხებს ესვრის, ან და იარაღით ემუქრება, ჯარებს უფლება ეძლევათ სროლა ასტეხონ, თუნდაც რომ განკარგულება არ ჰქონდეთ მიღებული; ამისთანა შემთხვევებში წესდება არ ავალებს უეჭველათ გააფთხილოს ხალხი საყვირის ან „ბარბანის“ სიგნალით. ვარშავის ინსტრუქციის მეთორმეტე მუხლი ძალიან გულახდილათ ახასიათებს სალდათების როლს: „საერთოთ, იმ ადგილზე მოსული ჯარი, სადაც შეჯახება მოხდა, არა შემთხვევითიარ უნდა დარჩეს უბრალო მაყურებლათ, მას ღირსეულათ უნდა ექიროს თავი და ყველას უნდა აგრძნობინოს, რომ ის ძალაა, რომლის წინაშეც თავს იხრან“.